

四庫全書薈要

• 乾隆御覽本

史部

水經注卷十一

後魏 酈道元 撰

易水 漉水

易水出涿郡故安縣閭鄉西山

易水出西山寬中谷

案此道元所謂北
易今名中易水

東逕五大夫

城南昔北平侯王譚不從王莽之政

案從近
刻作同

子興生

五子竝避時亂隱居此山故其舊居世以為五大夫

城即此岳讚云五王在中龐葛連續者也易水又東

左與子莊溪水合水北出子莊關南流逕五公城西

屈逕其城南五公即王興之五子也

案即近刻作猶

光武即

帝位封為五侯元才北平侯益才安憲侯

案憲近刻訛作喜

顯才蒲陰侯仲才新市侯季才為唐侯所謂中山五

王也

案近刻作中山之五王也

俗又以五公名居矣二城竝廣一

里許俱在岡阜之上上斜而下方

案二城以下十八字近刻訛在後館

之于其水東南入于易水易水又東右會女思谷水

此下

水出西南女思澗東北流注于易謂之三會口易水
又東屈開門城西南即燕之長城門也與樊石山水
合水源西出廣昌縣之樊石山

案縣上近
刻衍鄉字

東流逕覆

釜山下東流注于易水易水又東歷燕之長城又東

逕漸離城南蓋太子丹館高漸離處也易水又東逕

武陽城南

案近刻
脫城字

蓋易自寬中歷武夫關東出是兼

武水之稱故燕之下都檀武陽之名左得濡水枝津
故瀆武陽大城東南小城即故安縣之故城也漢文

帝封丞相申屠嘉為侯國城東西二里南北一里半

高誘云易水逕故安城南城外東流

案近刻脫城字

即斯水

也誘是涿人事經明證

案近刻訛作事明經證

今水被城東南

隅

案被近刻訛作破

世又謂易水為故安河武陽蓋燕昭王

之所城也東西二十里南北十七里故傳逮述遊賦

日出北薊歷良鄉登金臺觀武陽兩城遼廓舊迹冥

芒蓋謂是處也易水東流而出于范陽

東過范陽縣南又東過容城縣南

易水逕范陽縣故城南

案逕下近刻行出字復脫南字

秦末張耳陳

餘為陳勝畧地燕趙命蒯通說之

案命字近刻訛在燕趙上

范陽

先下是也漢景帝中二年

案近刻訛作中元三年

封匈奴降王

代為侯國王莽之順陰也

案近刻訛作之通順也

昔慕容垂之

為范陽也戍之即斯

案此十三字近刻訛在後臺北有蘭馬臺之上又即斯下當有

脫文意欲圖還上京阻于行旅造次不獲遂中

案此十六字近

刻訛在後可得而尋下又上下當有脫文未詳

易水又東與濡水合水出故

安縣西北窮獨山南谷

案此道元所謂北濡今名北易水

東流與源

泉水合水發北溪東南流注濡水

案南流近刻訛作西北

濡水

又東南逕樊於期館西是其授首于荆軻處也濡水又東南流逕荆軻館北昔燕丹納田生之言尊軻上卿館之于此二館之城澗曲泉清山高林茂風煙披薄觸可棲情方外之士尚憑依舊居取暢林木

案二館以

下三十三字近刻記在前俗又以五公名居矣之下

濡水又東逕武陽城西北

案近刻脫武字

舊竭濡水枝流南入城逕柏冢西冢垣城側

即水塘也四周塋域深廣有若城焉

案近刻柏訛作相垣訛作垣域

訛作城

其水側有數陵墳高壯望若青丘詢之古老訪

之史籍竝無文證以私情求之當是燕都之前故墳也或言燕之墳塋斯不然矣其水之故瀆南出屈而

東轉又分為二瀆

案此下近刻有一水東注金臺陂七字係重出行文

一水逕

故安城西側城南注易水夾塘崇峻邃岸高深左右

百步有二釣臺

案近刻脫有字二訛作一

參差交峙迢遞相望更

為佳觀矣其一水東出注金臺陂陂東西六七里南

北五里

案近刻訛作東西六七步南有金北五十步

側陂西北有釣臺高

丈餘方可四十步陂北十餘步有金臺臺上東西八

十許步南北如減

案此下近刻有高十餘丈四字係重出行文

北有小金

臺

案近刻脫此五字

臺北有蘭馬臺竝悉高數丈秀峙相對

翼臺左右水流徑通

案徑近刻作徑

長廡廣宇周旋被浦棟

堵咸淪柱礎尚存是其基構可得而尋訪諸耆舊咸

言昭王禮賓廣延方士至如郭隗樂毅之徒鄒衍劇

辛之儔宦遊歷說之民自達而居者多矣不欲令諸

侯之客伺隙燕邦故脩連下都館之南垂言燕昭創

之于前子丹踵之于後故雕牆敗館尚傳鐫刻之石

案近刻

雖無經記可憑

案近刻訛作雖無紀可憑

察其古跡似符

宿傳矣

案近刻脫宿字

濡水自堰又東逕紫池堡西屈而北

流又有渾塘溝水注之水出道縣西白馬山南溪中

東南流入濡水濡水又東至塞口古累石堰水處也

濡水舊枝分南入城東大陂陂方四里今無水陂內

有泉淵而不流際池北側俗謂聖女泉濡水又東得

白楊水口水出道縣西山白楊嶺下

案縣下近刻有之字

東南

流入濡水時人謂之虎眼泉也濡水東合檀水

案近刻作

檀山水

水出道縣西北檀山西南南流與石泉水會水

出石泉固東南隅水廣二十許步深三丈固在衆山之內平川之中四周絕澗阻水八丈有餘石高五丈

石上赤土又高一匹

案近刻訛作四上有文字係後人所加

壁立直上

案近刻作壁直立上

廣四十五步水之不周者路不容軌僅通

人馬謂之石泉固固上宿有白楊寺是白楊山神也寺側林木交蔭叢柯隱景沙門釋法澄建刹于其上

更為思玄之勝處也其水南流注于檀水故俗有并

溝之稱焉

案近刻作矣

其水又東南流厯故安縣北而南

注濡水濡水又東南流于容城縣西北大利亭東南

合易水而注巨馬水也故地理志曰故安縣閭鄉易

水所出至范陽入濡水闕駟亦言是矣又曰濡水合

渠許慎曰濡水入涑涑渠二號即巨馬之異名

案巨馬河

注云即涑水也又云亦曰渠水故此言涑渠二號即巨馬之異名原本及近刻兩涑字並訛作涑而說文

入涑今各本又訛作入涑涑皆轉訛誤

然二易俱出一鄉同入濡水南

濡案南濡見沔水內南易南濡竝入沔而杜預云濡水入易蓋以下流既合互攝通稱北易可言入北

濡南易可言入南濡故曰二易俱出一鄉同入北易

至涿郡范陽縣會北濡又竝亂流入涑案此即上所

合易而注是則易水與諸水互攝通稱東逕容城縣

故城北渾濤東注至勃海平舒縣與易水合案道元

既會北濡入涑與涑水同逕容城至平舒與南易合

以下則敘南易源流然二易混舉幾于不分非尋求

端緒竟似訛闕駟曰涿郡西界代之易水而是水案

南易

出代郡廣昌縣東南郎山東北燕王仙臺東臺

有三峰甚為崇峻騰雲冠峰高霞翼嶺岫壑冲深含
煙罩霧耆舊言燕昭王求仙處其東謂之石虎岡范
曄漢書云中山簡王焉之寔也

案近刻
脫馬字

厚其墓採琢

郡山石以樹墳塋陵隧碑獸竝出此山

案此下近刻
有謂之石虎

山山六字係
重出行文

有所遺二石虎後人因以名岡山之東

麓

案近刻
脫山字

即泉源所導也經所謂閭鄉西山

案近刻
西訛作

曲脫
山字

其水東流有苾水南會渾波同注俗謂之為電

河司馬彪郡國志曰電水出故安縣世祖令耿況擊

故安西山賊吳耐蠡符電上十餘營皆破之即是水

者也易水又東逕孔山北山下有鍾乳穴穴出佳乳

採者篝火尋沙入穴里許渡一水潛流通注

案近刻訛作潛

通流注

其深可涉于中衆穴竒分令出入者疑迷不知

所趣每于疑路必有厯記返者乃尋孔以自達矣上

又有大孔豁達洞開

案豁近刻訛作壑

故以孔山為名也其

水又東逕西故安城南

案城下近刻行其字

即閭鄉城也厯送

荆陘北

案送近刻訛作逕

耆舊云燕丹餞荆軻于此因而名

焉世代已遠非所詳也遺名舊傳不容不銓庶廣後

人傳聞之聽易水又東流屈逕長城西又東流南逕

武隧縣南新城縣北

案隧近刻作隧下同

史記曰趙將李牧伐

燕取武隧方城是也俗又謂是水為武隧津

案近刻脫是字

津北對長城門謂之汾門

案汾近刻作分下同

史記趙世家云

孝成王十九年趙與燕易土以龍兌汾門與燕

案近刻脫

王字土字

燕以葛城武陽與趙即此也亦曰汾水門又謂

之梁門矣易水東分為梁門陂易水又東梁門陂水

注之水上承易水于梁門東入長城東北入陂陂水
北接范陽陂陂在范陽城西十里方十五里俗亦謂
之為鹽臺陂陂水南通梁門淀方三里淀水東南流
出長城注易

業近刻
脫城字

謂之范水易水自下有范水通

目又東逕范陽縣故城南即應劭所謂范水之陽也
易水又東逕樊輿縣故城北漢武帝元朔五年封中
山靖王子劉條為侯國王莽更名握符矣地理風俗
記曰北新城縣東二十里有樊輿亭故縣也易水文

東運容城縣故城南漢高帝六年封趙將夜于深澤

景帝中三年以封匈奴降王唯徐盧于容城

案唯近刻訛作

構皆為侯國王莽更名深澤也易水又東渼水注之

案渼近刻訛作渼下同

水上承二陂于容城縣東南謂之大渼

淀小渼淀其水南流注易水謂之渼洞口

案洞近刻訛作同

水側有渼渼城易水運其南東合漉水故桑欽曰易

水出北新城西北

案西近刻訛作城

東入漉自下漉易互受

通稱矣易水又東運易京南漢末公孫瓚害劉虞于

薊下時童謠云燕南垂趙北際惟有此中可避世瓚
以易地當之故自薊徙臨易水謂之易京城在易城
西四五里趙建武四年石虎自遼西南達易京以京
障至固令二萬人廢壞之今者城壁夷平

案城近刻
訛作地

其樓基尚存猶高一匹餘基上有井世名易京樓即
瓚所保也

案保近刻
訛作堡

故瓚與子書云袁氏之攻狀若

鬼神衝梯舞于樓上鼓角鳴于地中即此樓也易水
又東逕易縣故城南昔燕文公徙易即此城也闕駟

稱太子丹遣荆軻刺秦王與賓客知謀者祖道于易

水上燕丹子稱荆軻入秦太子與知謀者

衆近刻無此十四字

係後人妄刪考渭水注內記太子丹事亦引燕丹子曰當是古書之逸者

皆素衣冠送之

于易水之上荆軻起為壽歌曰風蕭蕭兮易水寒壯士一去兮不復還高漸離擊筑宋如意和之為壯聲士髮皆衝冠為哀聲士皆流涕疑于此也余按遺傳舊跡多在武陽似不餞此也漢景帝中三年封匈奴降王僕黜為侯國也

又東過安次縣南

易水遯縣南鄭縣故城北

案鄭近刻訛作鄭

東至文安縣與

滹沱合史記蘇秦曰燕長城以北易水以南正謂此

水也是以班固闕駟之徒咸以斯水謂之南易

又東過泉州縣南

案泉近刻訛作東

東入于海

經書水之所歷沿次注海也

涇水出代郡靈丘縣高氏山

即溫夷之水也

案涇近刻訛作溫周禮作嘔

出縣西北高氏山

海經曰高氏之山澗水出焉東流注于河者也其水

東南流山上有石銘題言冀州北界故世謂之石銘

陘也其水又南逕候塘

案近刻訛作
曰候候塘

川名也又東合

溫泉水水出西北暄谷其水溫熱若湯能愈百疾故

世謂之溫泉焉東南流逕興豆亭北亭在南原上敔

傾而不正故世以敔城目之水自原

案近刻脫
此三字

東南

注于澗

案南近刻
訛作流

澗水又東莎泉水注之

案近刻
脫莎字水

導源莎泉南流水側有莎泉亭東南入于澗水澗水

又東逕靈丘縣故城南

案此下近刻有水中自原南注涇水八字係重出行文

應劭曰趙武靈王葬其東南二十里故縣氏之縣古

屬代漢靈帝光和元年中山相臧晃上請別屬也璣

注地理志曰

案近刻脫璣注二字

靈丘之號在武靈王之前矣

又按司馬遷史記

案近刻脫此二字

趙敬侯九年

案九近刻訛作二

敗齊于靈丘則名不因武靈王事

案近刻脫武字

如璣注

案近

刻訛作漢注

涇水自縣南流入峽謂之隘門設隘于峽以

譏禁行旅歷南山高峰隱天深溪埒谷其水沿澗西

轉運御射臺南臺在北阜上臺南有御射石碑南則

秀嶂分霄層崖刺天積石之峻壁立直上車駕沿滌

案近刻訛

作沿革每出是所遊藝焉

案近刻脫是字

滌水西流又南

轉東屈運北海王詳之石碣南御射碑石柱北而南

流也

案射碑近刻訛作所屈又流下有者字衍

東南過廣昌縣南

案近刻脫東字

滌水東運嘉牙川有一水南來注之水出恒山北麓

稚川三合

案稚近刻訛作雖

運嘉牙亭東而北流注于滌水

水之北山行即廣昌縣界瀧水又東逕倒馬關關山

險隘最為深峭

案最近刻訛作是

勢均詩人高岡之病良馬

傳險之困行軒故關受其名焉關水出西南長溪下
東北厯關注瀧瀧水南山上起御坐于松園建祇洹
于東圃東北二面岫嶂高深霞峰隱日水望澄明淵
無潛甲行李所逕鮮不徘徊忘返矣

又東南過中山上曲陽縣北恒水從西來注之

瀧水自倒馬關南流與大嶺水合水出山西南大嶺

下東北流出峽峽右山側

案近刻訛作則

有祇洹精廬飛陸

陵山丹盤虹梁

案此二語有舛誤

長津泛瀾縈帶其下東北

流注于滹沱水又屈而東合兩嶺溪水水出恒山北

阜東北流歷兩嶺間北嶺雖層陵雲舉猶不若南嶺

峭秀自水南步遠峯石墮逶迤沿途九曲歷睇諸山

咸為劣矣抑亦羊腸邛崃之類者也齊宋通和路出

其間其水東北流注于滹水又東左合懸水水出山

原岫盤谷輕湍濬下分石飛懸

案此下近刻衍水字

一匹有餘

直灌山際白波奮流自成潭渚其水東南流揚湍注

于滌滌水又東流歷鴻山

案近刻脫鴻字

世謂是處為鴻頭

疑即晉書地道記所謂鴻上關者也關尉治北平而

畫塞于望都東北去北平不遠兼縣土所極也

案極近刻

訛作

滌水于是左納鴻上水水出西北近溪東南流

注于滌水也

又東過唐縣南

滌水又東逕左人城南應劭曰左人城在唐縣西北

四十里

案近刻左訛作中又脫在唐縣三字

縣有電水

案近刻脫此四字

亦或

謂之為唐水也水出中山城之西如北城內有小山

在城西側而銳上若委粟焉

案而近刻訛作水

疑即地道記

所云望都縣有委粟關也俗以山在邑中故亦謂之

中山城以城中有唐水

案此二字近刻訛作山之目三字

因復謂之

為廣唐城也中山記以為中人城

案中山記上近刻衍故字

又以

為鼓聚殊為乖謬矣言城中有山故曰中山也

案近刻訛

作中人山也

中山郡治京相璠曰今中山望都東二十里

有故中人城

案東近刻訛作西下云但苦其不東正辨此言東之誤

望都城東

有一城名堯姑城

案姑近刻作姑

本無中人之傳

案近刻訛作中山之

傳

璠或以為中所未詳也中山記所言中人者城

東去望都故城十餘里二十里則減但苦其不東觀

夫異說

案夫近刻訛作矣

咸為爽矣今此城于盧奴城北如

西六十里城之西北泉源所導西逕郎山北

案郎近刻訛作

根

郎唐音讀近寔兼唐水之傳

案近刻作稱

西流歷左人

亭注涇水涇水又東左會一水水出中山城北郎阜

下

案近刻訛作郎中阜下

亦謂之唐水也然于城非在西

案近在西

刻訛作西在

俗又名之為電水

案近刻脫俗字

又兼二名焉西南

流入滙竝所未詳蓋傳疑耳滙水又東恒水從西來

注之自下滙水兼納恒川之通稱焉即禹貢所謂恒

衛既從也滙水又東右苞馬溺水水出上曲陽城東

北馬溺山

案山近刻訛作水

東北流逕伏亭晉書地道記曰

望都縣有馬溺關中山記曰八渡馬溺是山曲要害

之地二關勢接

案近刻訛作一關勢帶接

疑斯城即是關尉宿

治異目之來非所詳矣馬溺水又東流注于漉漉水

又東逕中人亭南春秋左傳昭公十三年晉荀吳率

師侵鮮虞及中人大獲而歸者也漉水又東逕京丘

北世謂之京陵

案近刻脫陵字

南對漢中山項王陵

案近刻脫中山

二漉水北對君子岸岸上有哀王子憲王陵坎下有

泉源積水亦曰泉上岸漉水又東逕白土北南即靖

王子康王陵三墳竝列者是漉水又東逕樂羊城北

史記稱魏文侯使樂羊滅中山蓋其故城中山所造

也故城得其名漉水又東逕唐縣故城南此二城

案此

近刻訛作北二城謂左人城唐城也

俱在漉水之陽故曰漉水逕其南

案近刻訛作東

城西又有一水導源縣之西北平地

案近刻訛作導

源廬奴縣之西北是城西平城之地

泉湧而出俗亦謂之為唐水也東

流至唐城西北隅竭而為湖俗謂之唐池蓮荷被水

嬉遊多萃其上

案嬉近刻訛作勝

信為勝處也

案勝近刻訛作嬉

其

水南入小溝下注漉水自上厯下通禪唐川之兼稱

焉應劭地理風俗記曰唐縣西四十里得中人亭今

于此城取中人鄉則四十也唐水在西北入滄與應

符合又言堯山者在南則無山以擬之為非也闕駟

十三州志曰中山治盧奴

案近刻脫中字

唐縣故城在國北

七十五里駟所說北則非也

案北近刻訛作此

史記曰帝嚳

氏沒帝堯氏作始封于唐望都縣在南今此城南對

盧奴故城自外無城以應之考古知今事義全違俗

名望都故城則八十許里

案此句之上當有脫文

距中山城則

七十里驗途推邑宜為唐城城北去堯山五里

案近刻脫

堯字

與七十五里之說相符然則俗謂之都山

案近刻訛作都

香山

即是堯山在唐東北望都界皇甫謐曰堯山一名

豆山今山于城北如東

案近刻訛作北而如東

嶄絕孤峙虎牙

桀立

案虎近刻訛作唐

山南有堯廟是即堯所登之山者也

地理志曰堯山在南今考此城之南又無山以應之

是故先後論者咸以地理記之說為失

案近刻脫記字此謂應劭

地理風俗記

又即俗說以唐城為望都城者自北無城以

擬之假復有之途程紆遠

案近刻脫遠字

山河之狀全乖古

證傳為疎罔是城西北亘山西足有一泉源東北流
運豆山下合蘇水亂流轉注東入滌是豈唐水乎所
未詳也又于是城之南如東十餘里有一城俗謂之
高昌縣城或望都之故城也縣在唐南

案近刻此下有昌字衍

皇甫謐曰相去五十里稽諸城地猶十五里蓋書誤
耳此城之東有山孤峙世以山不連陵名之曰孤山
孤都聲相近疑即所謂都山也帝王世紀曰堯母慶

都所居故縣目曰望都

案此六字近刻訛在前或望都之故城也下

張晏

曰堯山在北堯母慶都山在南登堯山見都山故望都縣以為名也唐亦中山城也為武公之國周同姓周之衰也國有赤狄之難齊桓霸諸侯疆理邑土遺

管仲攘戎狄築城以固之

案此三十字原本及近刻並訛在治水南盧奴縣之

故城下地理志曰盧水出北平上文義不連貫今訂正移于此

其後桓公不恤國政

周王問太史餘曰今之諸侯孰先亡乎對曰天生民而令有別所以異禽獸也今中山淫昏康樂逞慾無度其先亡矣後二年果滅魏文侯以封太子擊也漢

高祖立中山郡景帝三年為王國

案近刻訛作侯國

王莽之

常山也魏皇始二年破中山立安州天興三年改曰

定州治水南盧奴縣之故城昔耿伯昭歸世祖于此

處也滹水之右盧水注之水上承城內黑水池

案此二十

七字原本及近刻並訛在今府榭猶傳故制下自漢及燕上今訂正移此地理志曰盧水

出北平疑為疎闊關駟應劭之徒咸亦言是矣余按

盧奴城內西北隅有水淵而不流南北百步東西百

餘步水色正黑俗名曰黑水池或云水黑曰盧

案近刻訛

作黑水口虛

不流曰奴故此城藉水以取名矣

案此城近刻訛作城

北池水東北際水有漢中山王故宫處

案近刻脫中山二字

臺

殿觀榭皆上國之制簡王尊貴壯麗有加始築兩宮

開四門穿北城累石為竇

案近刻脫為字

通池流于城中

案近

刻訛作通泳唐水流于城中

造魚池釣臺戲馬之觀歲久頽毀遺

基尚存今悉加土為利刹靈圖

案利刹近刻訛作利利

池之四

周居民駢比填徧穢陋

案徧近刻訛作徧

而泉源不絕暨趙

石建武七年遣北中郎將始築小城興起北榭立宮

造殿後燕因其故宮建都中山小城之南更築隔城

興復宮觀今府榭猶傳故制自漢及燕池水逕石竇

案漢近刻訛作漢池水訛作涿涓水

石竇既毀池道亦絕水潛流出城

潭積微漲涓水東北注于涓涓水又東逕漢哀王陵

北冢有二墳故世謂之兩女陵非也哀王是靖王之

孫康王之子也涓水又東右會長星溝溝出上曲陽

縣西北長星渚

案出近刻訛作在

渚水東流又合洛光水水

出洛光溝

案近刻訛作涓

東入長星水亂流東逕恒山下廟

北漢末喪亂山道不通此舊有下階神殿中世以來

歲書法族焉晉魏改有東西二廟廟前有碑闕壇場

列柏焉

案列柏近刻
訛作相列

其水又東逕上曲陽縣故城北

本岳牧朝宿之邑也古者天子巡狩常以歲十一月

至于北岳侯伯皆有湯沐邑以自齋潔周昭王南征

不還巡狩禮廢邑郭仍存秦罷井田因以立縣城在

山曲之陽

案城近刻
訛作縣

是曰曲陽有下故此為上矣王

莽之常山亭也又東南流胡泉水注之水首受胡泉

案近刻脫水首二字

逕上曲陽縣南又東逕平樂亭北左會長

星川東南逕盧奴城南又東北川渠之左有張氏墓
冢有漢上谷太守議郎張平仲碑光和中立川渠又
東北合淹水水有窮通不常津注

又東過安熹縣南

案近刻過訛作逕
逕熹訛作喜

縣故安險也其地臨險有井塗之難漢武帝元朔五
年封中山靖王子劉應為侯國王莽更名寧險漢章
帝改曰安熹中山記曰縣在唐水之曲

案曲近刻訛作西
山

高岸險故曰安險邑豐民安改曰安憲秦氏建元中

唐水汎漲高岸崩頽城角之下有大積木交橫如梁

柱焉後燕之初此木尚在未知所從余考記稽疑蓋

城地當初山水濟盪漂淪巨棧阜積于斯沙息壤加

漸以成地

案近刻脫漸字
成地訛作城池

板築既興物固能久耳漉

水又東逕鄉城北舊盧奴之鄉也中山記曰盧奴有

三鄉斯其一焉後隸安憲城郭南有漢明帝時孝子

王立碑

案明帝時近
刻訛作朝時

又東過安國縣北

涇水歷縣東分為二水一水枝分東南流逕解瀆亭
南漢順帝陽嘉元年封河間孝王子淑于解瀆亭為
侯國孫宏即靈帝也又東南逕任丘城南又東南逕
安郭亭南漢武帝元朔五年封中山靖王子劉傳富
為侯國其水又東南流入于潯沱涇水又東北流逕
解瀆亭北而東北注

又東過博陵縣南

涇水東北逕螽吾縣故城南地理風俗記曰縣故饒

陽之下鄉者也自河間分屬博陵漢安帝元初七年

案元初近刻訛作永初

封河間王開子翼為都鄉侯順帝永建

五年更為侯國也又東北逕博陵縣故城南

案近刻脫東北

二即古陸成

案近刻訛作城

漢武帝元朔二年封中山靖王

子劉貞為侯國者也地理風俗記曰博陵縣史記螽

吾故縣矣漢質帝本初元年繼孝沖為帝追尊父翼

陵曰博陵因以為縣又置郡焉漢末罷還安平晉太

始年復為郡今謂是城為野城涇水又東北逕侯世

縣故城南又東北逕陵陽亭東又北左會博水水出

望都縣東南流逕其縣故城南王莽更名曰順調矣

又東南潛入地下博水又東南循瀆重源湧發

近刻

訛作

於東南逕三梁亭南疑即古勺梁也竹書紀年曰

燕人伐趙圍濁鹿趙武靈王

素近刻
脫武字

及代人救濁鹿

敗燕師于勺梁者也今廣昌東嶺之東有山俗名之

曰濁鹿逕

素近刻
訛作羅

城地不遠

素近刻
訛作地

土勢相鄰以

此推之或近是矣所未詳也博水又東南逕穀梁亭

南又東逕陽城縣散為澤渚渚水潴漲方廣數里

案近

刻脫廣字

匪直蒲筍是豐寔亦偏饒菱藕至若嬋婉艸童

及弱年童子

案近刻作嬋童艸角弱年女子角字女子皆後人所改方言江湘之間凡言是

子謂之憇廣韻山皆切呼彼之稱

或單舟採菱或疊舸折芰

案近刻訛作艾

長歌陽春愛深綠水掇拾者不言疲謠詠者自流響

案近刻脫此二字

于時行旅過矚亦有慰于羈望矣世謂之

為陽城淀也陽城縣故城近在西北故陂得其名焉

郡國志曰蒲陰縣有陽城者也今城在縣東南三十里其水又伏流循瀆屈清梁亭西北重源又發博水又東逕白堤亭南

案白近刻訛作自

又東逕廣望縣故城北

漢武帝元朔二年封中山靖王子劉忠為侯國又東合堀溝溝上承清梁陂又北逕清涼城東

案涼近刻訛作源

即將梁也漢武帝元朔二年封中山靖王子劉朝平為侯國其水東北入博水博水又東北左則濡水注

之

案此南濡也今名祁水

水出蒲陰縣西昌安郭南中山記曰

郭東有舜氏甘泉有舜及二妃祠稽諸傳記

案諸下近刻衍

子

無聞此處世代云遠異說之來于是乎在矣其水

自源東逕其縣故城南枉渚迴湍率多曲復亦謂之

為曲逆水也張晏曰濡水于城北

案濡近刻訛作湍

曲而西

流是受此名故縣亦因水名而氏曲逆矣春秋左傳

哀公四年齊國夏伐晉取曲逆是也漢高帝擊韓王

信自代過曲逆上其城望室宇甚多曰壯哉吾行天

下惟洛陽與是耳詔以封陳平為曲逆侯王莽更名

順平濡水又東與蘇水合水出縣西南近山東北流

逕堯姑亭南

堯姑近刻訛作姑

又東逕其縣入濡濡水又東

衆兩濡字近

刻並訛作濡得蒲水口水出西北蒲陽山西南流積

水成淵東西百步南北百餘步深而不測蒲水又東

南流

衆蒲近刻作其

水側有古神祠世謂之為百祠亦曰蒲

上祠所未詳也又南逕陽安亭東

衆陽安近刻訛作安陽下同

晉

書地道記曰蒲陰縣有陽安關蓋陽安關都尉治世

俗名斯川為陽安壙蒲水又東南歷壙逕陽安關下

名關臯為唐頭坂

案臯近刻作臯

出關北流又東流逕夏屋

故城實中險絕竹書紀年曰魏殷臣趙公孫哀伐燕

還取夏屋城曲逆者也其城東側因阿仍墉築一城

案阿近刻

訛作河

世謂之寡婦城賈復從光武追銅馬五幡

于北平所作也世俗音轉故有是名矣其水又東南

流逕蒲陰縣故城北地理志曰城在蒲水之陰漢章

帝章和二年行巡北岳以曲逆名不善因山水之名

改曰蒲陰焉水右合魚水水出北平縣西南魚山山

石若巨魚

案近刻訛作山石善巨焉

水發其下故世俗以物色名

川又東流注于蒲水又東入濡故地理志曰蒲水蘇

水竝從縣東入濡水又東北逕樂城南又東入博水

自下博水亦兼濡水通稱矣春秋昭公七年齊與燕

盟于濡上

案近刻訛作會于濡水

杜預曰濡水出高陽縣東北

至河間鄭縣入易水是濡水與滹沱洹易互舉通稱

矣

案此下近刻有地理志曰博水東至高陽入河十二字係重出行文

博水又東北徐

水注之水西出廣昌縣東南大嶺下世謂之廣昌嶺

嶺高四十餘里二十里中委折五迴方得達其上嶺

故嶺有五迴之名下望層山盛若蟻蛭實兼孤山之

稱亦峻竦也

案竦近刻訛作竦

徐水三源竒發齊瀉一澗東

流北轉逕東山下水西有御射碑徐水又北流西屈

逕南崖下

案崖近刻作巖下同

水陰又有一碑徐水又隨山南

轉逕東崖下水際又有一碑凡此三銘皆翼對層巒

案近刻訛作巖

障深高壁立霞峙石文云皇帝以太延元

年十二月車駕東巡逕五迴之險遠

案近刻訛作途

覽崇岸

之竦峙乃停駕路側援弓而射之飛矢踰于巖山刊

石用讚元功夾碑竝有層臺二所即御射處也碑陰

皆列樹碑官名徐水東北屈逕郎山

案東北屈近刻訛作屈東北

又屈逕其山南衆岑競舉

案衆字近刻訛作岑山二字

若豎鳥翅

立石巔巖亦如劒杪極地險之崇峭漢武之世戾太

子以巫蠱出奔其子逵遁斯山故世有郎山之名山

南有郎山君碑事具其文

案近刻訛作山內有郎山碑事具文

徐水又

逕郎山君中子觸鋒將軍廟南

案中子近刻訛作子中廟訛作廣

廟

前有碑晉惠帝永康元年八月十四日壬寅發詔錫

君父子法祠其碑劉曜光初七年前頓丘太守郎宣

案頓丘近刻

訛作頓丘

北平太守陽平邑振等共脩舊碑刻石

樹頌焉徐水又逕北平縣縣界有漢熹平四年幽冀

二州以戊子詔書

案戊近刻訛作代

遣冀州從事王球幽州

從事張昭

案近刻作昭

郡縣分境立石標界具揭石文矣

徐水又東南流歷石門中世俗謂之龍門也其山上

合下開開處高六丈飛水歷其間南出乘崖傾澗洩

注七丈有餘濟盪之音奇為壯猛觸石成井水深不

測素波自激

業自近刻
訛作白

濤襄四陸瞰之者驚神臨之

者駭魄矣東南出山逕其城中有故碑是太白君碑

郎山君之元子也其水又東流漢光武追銅馬五幡

于北平破之于順水北

業近刻
脫于字

乘勝追北為其所敗

短兵相接光武自投崖下遇突騎王豐于是授馬退

保范陽

業退近刻
訛作進

順水蓋徐州之別名也徐水又東

逕蒲城北又東逕清苑城又東南與盧水合

業盧原
本及近

刻並訛作沈下同今據漢書改正又近刻脫合字

水出蒲城西

案近刻脫城字

俗謂

之泉頭水也地理志曰北平縣有盧水

案此下近刻有東入河三

字係衍文

即是水也東逕其城又東南左入徐水地理志

曰東至高陽入博

案近刻訛作入河今漢書各本亦訛

今不能也徐水

又東左合曹水水出西北朔寧縣曹河澤

案合下近刻衍會字

水出西北訛作出西北水

東南流左合岐山之水水出岐山東逕

邢安城北又東南入曹河曹水又東南逕北新城縣

故城南

案此下近刻有河南又逕北新城故城北十字係衍文

王莽之朔平縣

也曹水又東入于徐水徐水又東南逕故城北

案近刻故

上有俗謂之祭隅城

案隅近刻訛作過

所未詳也徐水又東

注博水

案注近刻作流入

地理志曰徐水出北平東至高陽

入于博又東入漣地理志曰博水自望都東至高陽

入于漣是也

案近刻訛作入于河又脫是也二字今漢書各本亦訛

又東北入于易

漣水又東北逕依城北世謂之依城河地說無依城

之名

案地近刻訛作他

即古葛城也郡國志曰高陽有葛城

燕以與趙者也。涇水又東北逕阿陵縣故城。東王莽之阿陵也。建武二年，更封左將軍任光為侯國。涇水東北至長城，注于易水者也。

案此易水謂南易至文安與滹沱合者，長城在

今文安縣界

水經注卷十一

總校官庶吉士臣張能照
校對官助教臣金學詩
校對官庶吉士臣嚴福
膳錄監生臣趙興吾
膳錄監生臣朱溥

總校官庶吉士臣張能照
校對官助教臣金學詩
校對官庶吉士臣嚴福
膳錄監生臣趙興吾
膳錄監生臣朱溥

欽定四庫全書薈要

史部

水經注卷十二

詳校官編修臣繆晉



水經注卷十二

後魏 酈道元 撰

聖水

巨馬水

聖水出上谷

故燕地

案近刻訛作也

秦始皇二十三年置上谷郡王隱晉

書地道志曰郡在谷之頭故因以上谷名焉王莽更

名朔調也

案更近刻作改

水出郡之西南聖水谷東南流逕

大防嶺之東首山下有石穴東北洞開高廣四五丈

入穴轉更崇深穴中有水者舊傳言昔有沙門釋惠

彌者好精物隱嘗篝火尋之傍水入穴三里有餘穴

分為二一穴殊小西北出不知趣詣一穴西南出入

穴經五六日方還

案穴近刻訛作水

又不測窮深其水夏冷

冬溫春秋有白魚出穴數日而返人有採捕食者美

珍常味蓋亦丙穴嘉魚之類也

案類上近刻衍流字

是水東北

流入聖水聖水又東逕玉石山謂之玉石口山多珉

玉燕石故以玉石名之其水伏流里餘潛源東出又

東頽波瀉澗一丈有餘屈而南流也

案近刻脫南字

東過良鄉縣南

聖水南流歷縣西轉又南逕良鄉縣故城西王莽之

廣陽也有防水注之水出縣西北大防山南而東南

流逕羊頭阜下俗謂之羊頭溪

案謂近刻作為

其水又東南

流至縣東入聖水聖水又南與樂水合水出縣西北

大防山南

案山南近刻訛作南山

東南流歷縣西而東南流注

聖水聖水又東逕其縣故城南又東逕聖聚南

素聖聚近

刻訛作

聚聖蓋藉水而懷稱也又東與俠河合水出良鄉

縣西甘泉原東谷東逕西鄉縣故城北王莽之移風也世謂之都鄉城按地理志涿郡有西鄉縣而無都鄉城蓋世傳之非也又東逕良鄉城南又東北注聖水世謂之俠活河又名之曰非理之溝也

又東過陽鄉縣北

素陽近刻作長蓋後人所改

聖水自涿縣東與桃水合水首受涑水于徐城東南

良鄉西分垣水

案垣近刻訛作垣

世謂之南沙溝

案沙近刻訛作步

即桃水也

案桃原本及近刻並訛作杭考漢志涿縣下云桃水首受涑水分即此今改正

東

逕迺縣北又東逕涿縣故城下與涑水合世以為涑

水

案為近刻訛作謂

又亦謂之桃水出涑縣故城西南奇溝

東八里大坎下數泉同發東逕桃仁墟北或曰因水

以名墟則是桃水也或曰終仁之故居非桃仁也

案仁

近刻訛作水

余按地理志桃水上承涑水此水所發不與

志同謂終為是又東北與樂堆泉合水出堆東東南

流注于涿水涿水又東北逕涿縣故城西注于桃應

劭曰涿郡故燕漢高帝六年置其南有涿水郡蓋氏

焉

案近刻脫郡字

闕駟亦言是矣今于涿城南無水以應之

所有惟西南有是水矣應劭又云涿水出上谷涿鹿

縣余按涿水自涿鹿東注灤水

案灤近刻訛作濕下同

灤水東

南逕廣陽郡與涿郡分水漢高祖六年分燕置涿郡

涿之為名當受涿水通稱矣故郡縣氏之但物理潛

通所在分發故在匈奴為涿耶水

案匈奴近刻訛作山谷

山川

阻閼竝無沿注之理所在受名者皆是經隱顯相關
遙情受用以此推之事或近矣而非所安也桃水又

東運涿縣故城北王莽更名垣翰晉大始元年改曰

范陽郡今郡理涿縣故城城內東北角有晉康王碑

城東有范陽王司馬燒廟碑

案司馬近刻訛作司寇

桃水又東

北與垣水會水上承涑水于良鄉縣分桃水

案承近刻訛作

分訛作之

世謂之北沙溝

案沙近刻訛作涉

故應劭曰垣水出

良鄉東運垣縣故城北史記音義曰河間有武垣縣

涿有垣縣漢景帝中三年封匈奴降王賜為侯國王
莽之垣翰亭矣世謂之頃城非也又東逕頃亦地名
也故有頃上言世名之頃前河又東洛水注之水上
承鳴澤渚渚方十五里漢武帝元封四年行幸鳴澤
者也服虔曰澤名在逕縣北界即此澤矣西則獨樹
水注之水出逕縣北山東入渚北有甘泉水注之水

出良鄉西山東南逕西鄉城西而南注鳴澤渚

葉近刻脫

鳴渚水東出為洛水

葉近刻脫渚水東出為洛六字

又東逕西鄉城

南又東逕垣縣而南入垣水垣水又東逕涿縣北東
流注于桃故應劭曰垣水東入桃閼駟曰至陽鄉注
之今按經脈而不能屈也桃水東逕陽鄉

案逕近刻訛作入

東注聖水聖水又東廣陽水注之水出小廣陽西山
東逕廣陽縣故城北又東福祿水注焉水出西山東
南逕廣陽縣故城南東入廣陽水亂流東南至陽鄉
縣右注聖水聖水又東南逕陽鄉城西不逕其北矣
縣故涿之陽亭也地理風俗記曰涿縣東五十里有

陽鄉亭後分為縣王莽時更名章武即長鄉縣也按

太康地記涿有長鄉而無陽鄉矣聖水又東逕長興

城南又東逕方城縣故城北

案近刻脫北字

李牧伐燕取方

城是也魏封劉放為侯國聖水又東左會白祀溝溝

水出廣陽縣之婁城東東南流左合婁城水水出平

地導源東南流

案源近刻訛作泉

右注白祀水亂流東南逕

常道城西故鄉亭也西去長鄉城四十里魏少帝璜

甘露三年所封也又東南入聖水聖水又東南逕韓

城東詩韓奕章曰溥彼韓城燕師所完王錫韓侯其
追其貊奄受北國鄭玄曰周封韓侯居韓城為侯伯
言為獫狁所逼稍稍東遷也王肅曰今涿郡方城縣
有韓侯城世謂之寒號城案近刻脫之字城字非也聖水又東
南流右會清淀水水發西定東流注聖水謂之劉公
口也

又東過安次縣南東入于海

聖水又東逕勃海安次縣故城南漢靈帝

案近刻訛作桓帝

中平三年

案近刻訛作二年

封荊州刺史王敏為侯國又東

南流注于巨馬河而不達于海也

巨馬河出代郡廣昌縣涑山

即涑水也有二源俱發涑山東逕廣昌縣故城南王

莽之廣屏矣

案矣字近刻訛在下句國字下

魏封樂進為侯國涑水

又東北逕西射魚城東南而東北流又逕東射魚城南又屈逕其城東竹書紀年曰荀瑤伐中山取窮魚之丘窮射字相類疑即此城也所未詳矣涑水又逕

三女亭西又逕樓亭北左屬白澗溪水有二源合注

一川川石皓然望同積雪故以物色受名其水又東

北流謂之石槽水伏流地下溢則通津委注

案溢近刻訛作

謂之白澗口涑水又東北桑谷水注之水南發桑

溪

案近刻脫桑字

北注涑水涑水又北逕小黟東又東逕大

黟南蓋霍原隱居教授處也

案近刻脫居字

徐廣云原隱居

廣陽山教授數千人為王浚所害

案近刻訛作召

雖千古世

懸猶表二黟之稱既無碑頌竟不知定誰居也涑水

又東北歷紫石溪口與紫水合水北出聖人城北大

亘下東南流左會磊砢溪水

案磊近刻訛作疊

蓋山崩委澗

積石淪隍故溪澗受其名矣水出東北西南流注紫

石溪水紫石溪水又逕聖人城東又東南右會檐車

水水出檐車硎

案車近刻訛作石

東南流逕聖人城南

案近刻作

城東

南流注紫石水又南注于涑水涑水又東南逕

榆城南又屈逕其城東謂之榆城河涑水又南逕藏

刀山下層巖壁立直上千霄遠望崖側有若積刀鏹

鑲相比咸悉西首涑水東逕徐城北故瀆出焉

案近刻脫

故瀆二字世謂之沙溝水又東督亢溝出焉一水東南流

即督亢溝也一水西南出即涑水之故瀆矣

案近刻脫水字

水盛則長津宏注水耗則通波潛伏重源顯于迺縣

則舊川矣

案近刻訛作舊則川矣

東過迺縣北

涑水上承故瀆于縣北垂重源再發結為長潭潭廣百許步長數百步左右翼帶涓流控引衆水

案近刻脫衆字

自成淵渚長川漫下十許里

案近刻訛作十一許步

東南流逕

迺縣故城東

案近刻脫通字

漢景帝中三年以封匈奴降王

隆疆為侯國王莽更名迺屏也謂之巨馬河亦曰渠

水也又東南流袁本初遣別將崔巨業攻固安不下

退還公孫瓚追擊之于巨馬水死者六七千人即此

水也又東南逕范陽縣故城北易水注之

又東南過容城縣北

巨馬水又東鄴亭溝水注之水上承督亢溝水于迺

縣東東南流歷紫淵東余六世祖樂浪府君自涿之
先賢鄉爰宅其陰西帶巨川東翼茲水枝流津通纏
絡墟園匪直田漁之贍可懷信為遊神之勝處也其
水東南流又名之為酈亭溝其水又西南轉歷大利
亭南入巨馬水又東逕容城縣故城北又東督亢溝
水注之水上承涑水于涑谷引之則長津委注遏之
則微川輟流水德含和變通在我東南流逕迺縣北
又東逕涿縣酈亭樓桑里南即劉備之舊里也又東

逕督亢澤澤苞方城縣縣故屬廣陽後隸于涿郡國
志曰縣有督亢亭孫暢之述畫有督亢地圖言燕太
子丹使荆軻齎入秦秦王殺軻圖亦絕滅地理書上
古聖賢冢地記曰督亢地在涿郡今故安縣南有督
亢陌幽州南界也風俗通曰沆漭也言乎淫淫漭漭
無崖際也沆澤之無水斥鹵之謂也其水自澤枝分
東逕涿縣故城南又東逕漢侍中盧植墓南又東散
為澤渚督亢澤也北屈注于桃水督亢水又南謂之

白溝水南逕廣陽亭西而南合枝溝

案南合近刻訛作合南

溝

水西受巨馬河東出為枝溝又東注白溝白溝又南入于巨馬河巨馬河又東南逕益昌縣護浞水右注

之水上承護陂于臨鄉縣故城西東南逕臨鄉城南

案近刻

漢封廣陽頃王子雲為侯國

案近刻脫頃字雲訛作須

地

脫城字

理風俗記曰

案近刻脫風俗二字

方城南十里有臨鄉城故縣

也

案此下近刻有城南十里四字係衍文

浞水又東南逕益昌縣故城

西南入巨馬水巨馬水東逕益昌縣故城南漢封廣

陽頃王子嬰為侯國王莽之有秩也地理風俗記曰

方城縣東八十里有益昌城故縣也又東八丈溝水

注之水出安次縣東北平地

案此下近刻衍泉字

東南逕安次

城東東南逕泉州縣故城西

案泉近刻訛作東

又南右合漳

沱河枯溝溝自安次西北東逕常道城東安次縣故

城西晉司空劉琨所守以拒石勒也又東南至泉州

縣西南東入八丈溝又南入巨馬河

案此二十字原本載上十六字

訛作經下四字仍屬注文近刻竝為注

亂流東注也

又東過勃海東平舒縣北東入于海

地理志曰涑水東南至容城入于河

案近刻訛作海

河即濡

水也

案此謂南濡

蓋互以明會矣巨馬水于平舒城北

案近

剡脫城字

南入于潯沱而同歸于海也

水經注卷十二

水經注卷十三

後魏 酈道元 撰

漂水

漂水出鴈門陰館縣

案漂原本及近刻並訛作濕說文漂水出鴈門陰館累頭山東入海

力追切魏書作漫已訛舛若濕則不得讀力追切今從說文為正

東北過代郡桑乾縣

南

漂水出于累頭山一曰治水泉發于山側沿波歷澗

東北流出山逕陰館縣故城西縣故樓煩鄉也漢景

帝後三年置王莽更名富臧矣

案今本漢書作富代

魏皇興三

年

案皇興近刻訛作天安

齊平徙其民于縣立平齊郡漂水又

東北流左會桑乾水縣西北上平

案原本作上下從近刻

洪源

七輪謂之桑乾泉即漂涇水者也耆老云其水潛通

案近刻脫通字

承太原汾陽縣北燕京山之大池池在山原

之上世謂之天池方里餘

案此下近刻有其水二字

澄渟鏡淨潭

而不流

案近刻脫潭字

若安定朝那之秋淵也清水流潭皎

馬沖照池中嘗無斥草及其風箴

案斥太平御覽引作片箴近刻訛作

澤

有淪輒有小鳥翠色投淵銜出若會稽之耘鳥也

案耘近刻

其水陽燠不耗

案燠近刻訛作煇

陰霖不濫無能

訛作私

測其淵深也古老相傳言嘗有人乘車于池側忽過

大風飄之于水有人獲其輪于桑乾泉故知二水潛

流通注矣池東隔阜又有一石池方可五六十步

案原

本作五六里從近刻

清深鏡潔不異大池桑乾水自源東南流

右會馬邑川水水出馬邑西川俗謂之磨川矣蓋狄

語音訛

案音近刻
訛作言

馬磨聲相近故爾其水東逕馬邑

縣故城南干寶搜神記曰昔秦人築城于武州塞內

案州近刻

以備胡城將成而崩者數矣

案近刻
脫者字

有馬

訛作周

馳走一地

案近刻
脫馳字

周旋反覆父老異之因依以築城

城乃不崩遂名之為馬邑

案近刻脫
之為二字

或以為代之馬

城也諸記紛競未識所是漢以斯邑封韓王信後為

匈奴所圍信遂降之王莽更名之曰章昭其水東注

桑乾水

案注近刻
訛作流

桑乾水又東南流水南有故城東

北臨河又東南右合灤水亂流枝水南分

案水近刻訛作之

桑乾水又東左合武州塞水

案州近刻訛作周

水出故城東

南流出山逕日沒城南蓋夕陽西頽戎車所薄之城

故也

案近刻訛作故城也

東有日中城

案東近刻訛作榮

城東又有早

起城亦曰食時城在黃瓜阜北曲中其水又東流右

注桑乾水桑乾水又東南逕黃瓜阜曲西又屈逕其

堆南徐廣曰猗盧廢嫡子曰利孫于黃瓜堆者也又

東右合枝津枝津上承桑乾河東南流逕桑乾郡北

案近刻

脫乾字

大魏因水以立郡受厥稱焉又東北左合夏

屋山水水南出夏屋山之東溪西北流逕故城北所

未詳也又西北入桑乾枝水桑乾枝水又東流長津

委浪

案近刻
脫長字

通結兩湖東湖西浦淵潭相接水至清

深晨晷夕鴈泛濫其上黛甲素鱗潛躍其下俯仰池

潭意深魚鳥所寡惟良木耳俗謂之南池池北對洼

陶縣之故城

案洼古汪字此
下近刻衍南字

故曰南池也南池水又

東北注桑乾水為灤水自下竝受通稱矣

案近刻脫
自下二字

灤水又東北逕石亭西

案石近刻訛作魏

蓋皇魏天賜三年

之所經建也灤水又東北逕白狼堆南魏烈祖道武

皇帝於是遇白狼之瑞故斯阜納稱焉阜上有故宮

廟樓榭基雉尚崇每至鷹隼之秋羽獵之日肆閱清

野為升眺之逸地矣灤水又東流四十九里東逕巨

魏亭北又東崞川水注之

案近刻脫水字

水南出崞縣故城

南

案崞下近刻衍山字

王莽之崞張也縣南面玄岳右背崞山

處二山之中

案二近刻訛作三

故以崞張為名矣其水又西

出山謂之崢口北流逕繁峙縣故城東

案近刻脫縣字

王莽

之當要也又北逕巨魏亭東

案近刻脫東字

又北逕劇陽縣

故城西王莽之善陽也按十三州志曰在陰館縣東

北一百三里其水又東注于灤水灤水又東逕班氏

縣南如渾水注之水出涼城旋鴻縣西南五十餘里

東流逕故城南北俗謂之獨谷孤城水亦即名焉東

合旋鴻池水水出旋鴻縣東山水積成池

案積近刻訛作

即北引魚水水出魚溪南流注池池水吐納川流以

成巨沼東西二里南北四里北對涼川城之南池

案涼

川城近刻訛

池方五十里俗名乞伏表池

案近刻訛作河

雖

作涼州池

隔越山阜鳥道不遠雲霞之間常有

案比下有脫文

西南流

逕旋鴻縣南右合如渾水是總二水之名矣如渾水

又東南流逕永固縣

案永近刻訛作水

縣以太和中因山堂

之目以氏縣也右會羊水

案近刻訛作年水

水出平城縣之

西苑外武州塞北出東轉逕燕昌城南按燕書建興

十年慕容垂自河西還

案近刻垂訛作寶西訛作而

軍敗于參合

死者六萬人十一年垂衆北至參合見積骸如山設

祭帛之禮死者父兄皆號泣六軍哀慟

案近刻脫六軍二字

垂

慙憤嘔血因而寢疾焉舉過平城北四十里疾篤築

燕昌城而還即此城也北俗謂之老公城

案北上近刻衍故字

城下有也字

羊水又東注于如渾水亂流逕方山南

案近刻脫

此二字

嶺上有文明太皇太后陵陵之東北有高祖陵

二陵之南有永固堂堂之四周隅雉列榭階欄檻及

扉戶梁壁椽瓦悉文石也檐前四柱採洛陽之八風

谷黑石為之雕鏤隱起以金銀間雲矩有若錦焉堂

之内外四側結兩石趺

案近刻訛作扶

張青石屏風

案張近刻訛作

帳

以文石為緣竝隱起忠孝之容題刻貞順之名廟

前鐫石為碑獸碑石至佳左右列柏四周迷禽閣日

院外西側有思遠靈圖圖之西有齋堂南門表二石

闕闕下斬山累結御路下望靈泉宮池皎若圓鏡矣

案此下近刻有羊水又東注五字係衍文

如渾水又南至靈泉池枝津東

南注池池東西百步南北二百步池渚舊名白楊泉

泉上有白楊樹

案有近刻訛作出

因以名焉其猶長楊五柞

之流稱矣南面舊京北背方嶺左右山原

案近刻訛作源亭

觀繡峙方湖反景若三山之倒水下如渾水又南逕

北宮下舊宮人作薄所在如渾水又南分為二水一

水西出南屈入北苑中歷諸池沼又南逕虎圈東魏

太平真君五年成之以牢虎也季秋之月聖上親御

圈上勅虎士効力于其下事同奔戎生制猛獸即詩

所謂袒裼暴虎獻于公所也故魏有捍虎圖也又逕

平城西郭內魏太常七年所城也

案城近刻
故作成

城周西

郭外有郊天壇壇之東側有郊天碑建興四年立其

水又南

案近刻
作水南又

屈逕平城縣故城南史記曰高帝

先至平城史記音義曰在鴈門即此縣矣王莽之平

順也魏天興二年遷都于此太和十六年破安昌諸

殿

案安昌上近刻
有太華二字

造太極殿東西堂及朝堂夾建象

魏乾元中陽端門東西二掖門雲龍神虎中華諸門

皆飾以觀閣東堂東接太和殿殿之東階下有一碑

太和中立石是洛陽八風谷之縑石也

案上石字近刻訛在之字

下太和殿之東北

案太和二字近刻因與淇水互斜遂脫入淇水注內訛作太和泉源

水

接紫宮寺南對承賢門門南即皇信堂堂之四周

圖古聖忠臣烈士之容刊題其側是辯章郎彭城張

僧達樂安蔣少遊筆

案近刻訛作于

堂南對白臺臺甚高廣

臺基四周列壁閣道自內而升

案道近刻作路

國之圖錄秘

籍悉積其下臺西即朱明閣直侍之官出入所由也

案近刻脫也字

其水夾御路南流逕蓬臺西魏神瑞三年又

建白樓

案又下近刻所毀字

樓甚高竦加觀榭于其上表裏飾

以石粉牆曜建素赭白綺分故世謂之白樓也後置

大鼓于其上晨昏伐以千椎為城里諸門啓閉之候

謂之戒晨鼓也又南逕皇舅寺西是太師昌黎王馮

晉國所造

案近刻訛作太師
案昌黎晉國所造

有五層浮圖其神圖像

皆合青石為之加以金銀火齊衆綵之上煒煒有精

光又南逕永寧七級浮圖西

案永近刻
說作水

其制甚妙

案近

刻脫
其字

工在寡雙又南遠出郊郭弱柳蔭街絲楊被浦

公私引裂用周圍溉

案近刻作挽

長塘曲池所在布護故

不可得而論也一水南逕白登山西服虔曰白登臺
名也去平城七里如淳曰平城旁之高城若丘陵矣
今平城東十七里有臺即白登臺也臺南對岡阜即
白登山也故漢書稱上遂至平城上白登者也為匈
奴所圍處孫暢之述畫曰漢高祖被圍七日陳平使
能畫作美女送與冒頓閼氏恐冒頓勝漢其寵必衰
說冒頓解圍于此矣其水又逕寧先宮東獻文帝之

為太上皇所居故宮矣宮之東次下有兩石柱是石
虎鄴城東門石橋柱也按柱勒趙建武中造以其石
作工妙徙之于此余為尚書祠部與宜都王穆羆同
拜北郊親所經見柱側悉鏤雲矩上作蟠螭甚有形
勢信為工巧去子丹碑則遠矣

案則近刻
訛作側

其水又南

逕平城縣故城東司州代尹治皇都洛陽以為恒州
水左有大道壇廟始光二年少室道士寇謙之所議
建也兼諸嶽廟碑亦多所署立其廟階三成四周欄

檻上階之上以木為圓基令互相枝梧

案互近刻訛作干

以

版砌其上欄陛承阿上圓制如明堂而專室四戶室

內有神坐坐右列玉磬皇輿親降受籙靈壇號曰天

師宣揚道式暫重當時壇之東北舊有靜輪宮魏神

麋四年造抑亦柏梁之流也臺榭高廣

案近刻脫榭字

超出

雲間欲令上延霄客下絕囂浮太平真君十一年又

毀之物不停固白登亦繼褫矣水右有三層浮圖真

容驚架悉結石也裝制麗質亦盡美善也東郭外太

和中闡人宕昌公鉗耳慶時

案慶近刻訛作處

立祇洹舍于

東皋椽瓦梁棟臺壁櫺陛尊容聖像及牀坐軒帳悉
青石也圖制可觀所恨惟列壁合石疎而不密庭中
有祇洹碑碑題大篆非佳耳然京邑帝里佛法豐盛
神圖妙塔築時相望法輪東轉茲為上矣其水自北
苑南出歷京城內河干兩湄太和十年累石結岸夾
塘之上雜樹交蔭郭南結兩石橋橫水為梁又南逕
藉田及藥園西明堂東明堂上圓下方四周十二堂

九室

案近刻訛作十二戶九堂

而不為重隅也室外柱內綺井之

下施機輪飾縹碧

案近刻脫碧字

仰象天狀畫北道之宿焉

蓋天也

案上洛陽八風谷之緇石也自石字起至此句天字止近刻訛在淇水注內右合泉源水

下原本不誤又此句朱謀埠云當作畫北辰列宿象蓋天也

每月隨斗所建之辰

轉應天道此之異古也加靈臺于其上下則引水為

辟雍水側結石為塘事準古制是太和中之所經建

也如渾水又南與武州川水會

案州近刻訛作周下同

水出縣

西南山下二源翼導俱發一山東北流合成一川北

流逕武州縣故城西王莽之桓州也又東北右合黃

水

案近刻訛作黃山水

水西出黃阜下東北流

案東近刻訛作重

聖山

之水注焉水出西山東流注于黃水黃水又東注武

州川

案州近刻訛作周

又東歷故亭北右合火山西溪水水

導源火山西北流山上有火井南北六七十步

案近刻訛

作六十

七步廣減尺許源深不見底炎勢上升常若微雷

發響以草爨之則煙騰火發東方朔神異傳云南方有火山焉長四十里廣四五里其中皆生不燼之木

晝夜火燃驟雨猛風不滅火中有鼠重百斤毛長二尺餘細如絲色白時時出外以水逐而沃之則死取其毛績以為布謂之火浣布是山亦其類也但卉物則不能然其山以火從地中出故亦名熒臺矣火井東五六尺又東有湯井廣輪與火井相狀熱勢又同

案近刻訛作勢熱又同

以草內之則不燃皆沾濡露結故俗以

湯井為目井東有火井祠

案火近刻訛作文

以時祀祭焉井

北百餘步有東西谷廣十許步南崖下有風穴

案崖近刻

訛作岸

厥大容人其深不測而穴中肅肅常有微風雖

三伏盛暑猶須襲裘寒吹陵人不可暫停而其山出

雛烏形類雅烏純黑而姣好音與之同續采紺發嘴

若丹砂性馴良而易附牀童子捕而執之

案此下近刻衍

曰赤嘴烏亦曰阿雛烏按小爾雅

案近刻脫小字

純黑反哺

謂之慈烏小而腹下白不反哺者謂之雅烏白脰而

羣飛者

案脰近刻訛作頭下同

謂之燕烏大而白脰者謂之蒼

烏爾雅曰鶯斯卑居也孫炎曰

案炎近刻訛作爻

卑居楚烏

捷為舍人以為壁居

案近刻訛作壁屋

說文謂之雅雅楚烏

莊子曰雅賈矣馬融亦曰賈烏也

案近刻也上有者字

又按瑞

應圖有三足烏赤烏白烏之名而無記于此烏故書

其異耳自恒山已北並有此矣其水又東北流注武

州川水武州川水又東南流水側有石祇洹舍并諸

窟室比丘尼所居也其水又東轉逕靈巖南鑿石開

山因巖結構

案巖近刻作崖

真容巨壯世法所希

案近刻訛作締

山

堂水殿煙寺相望林淵錦鏡綴目新眺川水又東南

流出山魏土地記曰平城西三十里武州塞口者也

案城下近刻衍
宮字州訛作周

自山口枝渠東出入苑漑諸園池苑

有洛陽殿殿北有宮館一水自枝渠南流東南出火

山水注之水發火山東溪東北流出山山有石炭火

之熱同樵炭也又東注武州川逕平城縣南東流注

如渾水

案東字近刻
訛在南字上

又南流逕班氏縣故城東王莽

之班副也闕駟十三州志曰班氏縣在郡西南百里
北俗謂之去留城也如渾水又東南流注于漂水漂

水又東逕平邑縣故城南

案逕下近刻衍北字

趙獻侯十三年

城平邑地理志屬代王莽所謂平胡也十三州志曰

城在高柳南百八十里

案近刻脫百字

北俗謂之醜寅城灤

水又東逕沙陵南魏金田之地也事同曹武鄴中定

矣

案此語有脫誤裴松之注三國志引魏略云河北始開以王脩為司金中郎將續漢書百官志本注

云曹公始置司金中郎將利權悉歸于上矣

灤水又東逕猗氏縣故城北

王莽更名之曰猗聚也十三州志曰縣在高柳南百

三十里俗謂之苦力干城矣

案謂近刻訛作為

灤水又東逕

道人縣故城南地理志王莽之道仁也地理風俗記

曰初築此城有仙人遊其地故因以為城名矣今城

北有淵潭而不流

案近刻訛作注

故俗謂之為平湖也十三

州志曰道人城在高柳東北八十里所未詳也漂水

又東逕陽原縣故城南地理志代郡之屬縣也北俗

謂之比鄆州城

案比近刻作北

漂水又東安陽水注之

案近刻脫

安字上行流

水出縣東北潭中

案潭近刻訛作澤

北俗謂之

又東三字

太拔迴水自潭東南流注于漂水

案潭近刻訛作源

又東逕

東安陽縣故城北趙惠文王三年主父封長子章為

代安陽君

案近刻脫主父二字

此即章封邑王莽之竟安也

案竟

近刻訛

作競

地理風俗記曰五原有西安陽故此加東也

灤水又東逕昌平縣溫水注之水出南墳下三源俱
導合而南流東北注灤水灤水又東逕昌平縣故城
北王莽之長昌也昔牽招為魏鮮卑校尉屯此灤水
又東北逕桑乾縣故城西又屈逕其城北王莽更名
之曰安德也魏土地記曰代城北九十里桑乾城

城西渡桑乾水去城十里有溫湯療疾有驗經言出

南非也蓋誤證矣魏任城王彰以建安二十三年伐

烏丸入涿郡逐北遂至桑乾

案近刻訛作遂北遂至桑乾

正于此

也

案正近刻訛作止

灤水又東流祁夷水注之水出平舒縣

東逕平舒縣之故城南澤中史記趙孝成王十九年

以汾門予燕易平舒徐廣曰平舒在代王莽更名之

曰平葆後漢世祖建武七年封楊武將軍馬成為侯

國

案楊近刻訛作陽

其水控引衆泉以成一川魏土地記曰

代城西九十里。有平舒城。西南五里。代水所出。東北流言。代水非也。祁夷水。又東北逕蘭亭南。又東北逕石門關。北舊道出中山故關也。又東北流水側有故池。按魏土地記曰。代城西南三十里有代王魚池。池西北有代王臺。東去代城四十里。祁夷水又東北得飛狐谷。即廣野君所謂杜飛狐之口也。蘇林據酈公之說。言在上黨。即實非也。如淳言在代是矣。晉建興中。劉琨自代出。飛狐口奔于安次。即于此道也。魏土

地記曰代城南四十里有飛狐關關水西北流逕南

舍亭西又逕句瑣亭西西北注祁夷水祁夷水又東

北流逕代城西盧植言初築此城板幹一夜自移于

此故代西南五十里大澤中營城自護結葦為九門

于是就以為治城圓而方周四十七里開九門

更名其故城曰東城趙滅代

案此下有脫文

漢封孝文為代

王梅福上事曰代谷者恒山在其南北塞在其北谷
中之地上谷在東代郡在西是其地也王莽更之曰

厭狄亭魏土地記曰城內有二泉一泉流出城西門

案泉近刻訛

作源下同

一泉流出城北門二泉皆北注代水祁

夷水又東北熱水注之水出綾羅澤澤際有熱水亭

其水東北流注祁夷水祁夷水又東北谷水注之水

出昌平縣故城南

案近刻脫水字

又東北入祁夷水祁夷水

右會逆水水導源將城東西北流逕將城北在代城

東北十五里疑即東代矣而尚傳將城之名盧植曰

此城方就而板幹自移應劭曰城徙西南去故代五

十里故名代曰東城或傳書倒錯情用疑焉而無以辨之逆水又西注于祁夷之水逆之為名以西流故也祁夷水東北逕青牛淵水自淵東注之者彥云

彥案

近刻訛作謄

有潛龍出于茲浦形類青牛焉故淵潭受名

矣潭深不測而水周多蓮藕生焉祁夷水又北逕一故城西西去代城五十里又疑是代之東城而非所詳也又逕昌平郡東魏太和中置西南去故城六十里又北連水入焉水出離督縣東西北流逕離督縣

故城南又西逕廣昌城南魏土地記曰代南二百里
有廣昌城南通大嶺即實非也十三州記曰平舒城
東九十里有廣平城疑是城也尋其名狀忖理為非
又西逕王莽城南又西到刺山水注之水出到刺山
西山甚層峻未有升其巔者

衆巔近刺
訛作嶺

魏土地記曰

代城東五十里有到刺山山上有佳大黃也其水北
流逕一故亭東城北有石人故世謂之石人城西北
注連水連水又北逕當城縣故城西高祖十二年周

勃定代斬陳旆于當城即此處也應劭曰當桓都山

作城故曰當城也又逕故代東而西北流注祁夷水

祁夷水西有隨山山上有神廟謂之女郎祠方俗所

祠也祁夷水又北逕桑乾故城東而北流注于灤水

地理志曰祁夷水出平舒縣北至桑乾入灤是也灤

水又東北逕石山水口水出南山北流逕空侯城東

魏土地記曰代城東北九十里有空侯城者也

案近刻脫

者其水又東北流注灤水灤水又東逕潘縣故城北

案近刻訛作
遼潘城縣北

東合協陽關水水出協溪魏土地記曰

下洛城西南九十里有協陽關關道西通代郡其水
東北流歷笄頭山關駟曰笄頭山在潘城南即是山
也又北遼潘縣故城左會潘泉故瀆瀆舊上承潘泉
于潘城中或云舜所都也魏土地記曰下洛城西南
四十里有潘城城西北三里有歷山山上有虞舜廟
十三州記曰廣平城東北百一十里有潘縣地理志
曰王莽更名樹武其泉從廣十數步東出城注協陽

關水雨盛則通注陽旱則不流惟汧泉而已關水又東北流注于灤水灤水又東逕雍洛城南魏土地記曰下洛城西南二十里

案西南近刻訛作西西

有雍洛城桑乾

水在城南東流者也灤水又東逕下洛縣故城南王莽之下忠也魏燕州廣甯縣廣甯郡治魏土地記曰去平城五十里城南二百步有堯廟灤水又東逕高

邑亭北

案近刻脫此七字

又東逕三臺北灤水又東逕無鄉

城北地理風俗記曰燕語呼毛為無

案毛近刻訛作亡

今改

宜鄉也漂水又東

案此下近刻衍逕字

溫泉水注之水上承溫

泉于橋山下魏土地記曰下洛城東南四十里有橋

山山下有溫泉

案近刻脫一山字

泉上有祭堂雕簷華宇被

于浦上石池吐泉湯湯其下炎涼代序是水灼焉無

改能治百疾是使赴者若流池水北流入于漂水漂

水又東左得于延水口水出塞外柔玄鎮西長川城

南小山

案柔近刻訛作子

山海經曰梁渠之山無草木多金

玉脩水出焉東南流逕且如縣故城南應劭曰當城

西北四十里有且如城故縣也代稱不拘名號變改
按其城郭相去遠矣地理志曰中部都尉治于延水
出縣北塞外即脩水也脩水又東南逕馬城縣故城
北地理志曰東部都尉治十三州志曰馬城在高柳
東二百四十里俗謂是水為河頭河頭出戎方土俗
變名耳又東逕零丁城南右合延鄉水水出縣西山
東逕延陵縣故城北地理風俗記曰當城西北有延
陵鄉故縣也俗指為琦城

案近刻訛作舊
指謂之琦城川

又東逕羅

亭又東逕馬城南

案近刻訛作北

又東注脩水又東南于大

甯郡北右注鴈門水山海經曰鴈門之水出于鴈門

之山鴈出其門

案近刻訛作間

在高柳北高柳在代中其山

重巒疊嶽霞舉雲高連山隱隱東出遼塞其水東南

流逕高柳縣故城北舊代郡治秦始皇二十三年虜

趙王遷以國為郡王莽之所謂厭狄也建武十九年

世祖封代相堪為侯國昔牽招斬韓忠于此處城在

平城東南六七十里于代為西北也鴈門水又東南

流屈逕一故城背山面澤北俗謂之叱陰城鴈門水
又東南流屈而東北積而為潭其陂斜長而不方東
北可二十餘里廣十五里蒹葭藂生焉敦水注之其
水導源西北少咸山之南麓

案近刻其訛作導
山字訛在之字下

東流

逕參合縣故城南地理風俗記曰道人城北五十里
有參合鄉故縣也敦水又東

案近刻訛
作東又

澁水注之水

出東阜下西北流逕故城北俗謂之和堆城又北合
敦水亂流東北注鴈門水故山海經曰少咸之山敦

水出焉東流注于鴈門之水郭景純曰水出鴈門山
謂斯水也鴈門水又東北入陽門山謂之陽門水與
神泉水合

案近刻脫此二字

水出葦壁北水有靈焉及其密

雲不雨陽旱愆期多禱請焉水有二流世謂之比連
泉一水東北逕一故城東世謂之石虎城而東北流
注陽門水又東逕三會亭北又東逕西甸道城北又
東託台谷水注之水上承神泉于葦壁北東逕陽門
山南託台谷謂之託台水汲引泉溪渾濤東注

案近刻渾

訛作澤又
重一澤字

行者間十餘渡東逕三會城南又東逕託

台亭北又東北逕馬頭亭北東北注鴈門水鴈門水

又東逕大甯郡北魏太和中置有脩水注之即山海

經所謂脩水東流注于鴈門水也地理志有于延水

而無鴈門脩水之名山海經有鴈門之目而無說于

延河

案無近刻
訛作燕

自下亦通謂之于延水矣水側有桑

林故時人亦謂是水為桑桑河也斯乃北土寡桑至

此見之因以名焉于延水又東逕岡城南按史記蔡

澤燕人也謝病歸相秦號岡成君疑即澤所邑也世名武岡城于延水又東左與寧川水合水出西北東南流逕小甯縣故城西東南流注于延水于延水又

東

案近刻脫此十九字

逕小甯縣故城南地理志寧縣也西部

都尉治王莽之博康也魏土地記曰大甯城西二十里有小甯城昔邑人班丘仲居水側賣藥于甯百餘年人以為壽後地動宅壞仲與里中數十家皆死民人取仲尸棄于延水中收其藥賣之仲被裹從而詰

之此人失怖

案此近刻訛作北

叩頭求哀仲曰不恨汝故使

人知我耳去矣後為夫餘王驛使來甯

案來近刻訛作永

此

方人謂之謫仙也

案此近刻訛作北

于延水又東黑城川水

注之水有三源出黑土城西北奇源合注總為一川

東南逕黑土城西又東南流逕大甯縣西而南入延

河延河又東逕大甯縣故城南地理志云廣寧也王

莽曰廣康矣魏土地記曰下洛城西北百三十里

案近

刺脫城字

有大甯城于延水又東南逕茹縣故城北王莽

之殺武也世謂之如口城魏土地記曰城在鳴雞山

西十里南通大道西達寧川于延水又東南逕鳴雞

山西魏土地記曰下洛城東北三十里有延河東流

北有鳴雞山史記曰趙襄子殺代王于夏屋而并其

土襄子迎其姊于代其姊代之夫人也至此曰代已

亡矣吾將何歸乎遂磨笄于山而自殺代人憐之為

立祠焉因名其山為磨笄山

案其山近剡脫山字

每夜有野雞

聲鳴于祠屋上故亦謂之為鳴雞山魏土地記云代

城東南二十五里有馬頭山其側有鍾乳穴趙襄子

既害代王迎姊姊代夫人夫人曰以弟慢夫非仁也

以夫怨弟非義也磨笄自刺而死使者自殺民憐之

為立神屋于山側因名之為磨笄之山未詳孰是于

延水又南逕且居縣故城南王莽之所謂久居也

案近

刺脫所謂二字

其水東南流注于灤水地理志曰于延水東

至廣寧入沽

案沽原本及近刻並訛作治今據漢書改正

非矣

又東過涿鹿縣北

涿水出涿鹿山世謂之張公泉東北流逕涿鹿縣故

城南王莽所謂栲陸也

案栲近刻訛作號

黃帝與蚩尤戰于

涿鹿之野留其民于涿鹿之阿

案阿近刻訛作河

即于是也

案近刻作是處也

其水又東北與阪泉合水導源縣之東泉

魏土地記曰下洛城東南六十里有涿鹿城城東一

里有阪泉泉上有黃帝祠晉太康地理記曰阪泉亦

地名也泉水東北流與蚩尤泉會水出蚩尤城城無

東面魏土地記稱涿鹿城東南六里有蚩尤城泉水

淵而不流霖雨併則流注阪泉亂流東北入涿水涿水又東逕平原郡南魏徙平原之民置此故立僑郡以統流雜

案近刻訛作雜

涿水又東北逕祚亭北而東北入

灤水亦云涿水枝分入匈奴者謂之涿邪水

案近刻脫水字

地理潛顯難以究昭非所知也灤水又東南左會清

夷水亦謂之滄河也水出長亭南西逕北城村故城

北又西北平鄉川水注之水出平鄉亭西西北流注

清夷水清夷水又西北逕陰莫亭在居庸縣南十里

清夷水又西會牧牛山水

葉近刻
脫水字

魏土地記曰沮陽

城東八十里有牧牛山下有九十九泉即滄河之上

源也山在縣東北三十里山上有道武皇帝廟耆舊

云山下亦有百泉競發有一神牛駁身自山而降下

飲泉竭故山得其名今山下導九十九泉積以成川

西南流谷水與浮圖溝水注之水出夷興縣故城西

南王莽以為朔調亭也其水俱西南流注于滄水滄

水又西南右合地裂溝古老云晉世地裂分此界間

成溝壑有小水俗謂之分界水南流入滄河滄河又

西逕居庸縣故城南魏上谷郡治昔劉虞攻公孫瓚

不克北保此城為瓚所擒有粟水入焉水出縣下城

西枕水又屈逕其縣南南注滄河滄河又西右與陽

溝水合

案右與近刻訛作與右

水出縣東北西南流逕居庸縣

故城北

案近刻脫故字

西逕大駟小駟山南高巖截雲層陵

斷霧雙阜共秀競舉羣峰之上郡人王次仲少有異

志年及弱冠變蒼頡舊文為今隸書秦始皇時官務

煩多以次仲所易文簡便于事要奇而名之三徵而輒不至次仲履真懷道窮數術之美始皇怒其不恭令檻車送之次仲首發于道化為大鳥出在車外翻飛而去落二翮于斯山故其峯巒有大翮小翮之名矣魏土地記曰沮陽城東北六十里有大翮小翮山上神名大翮神山屋東有溫湯水口其山在縣西北二十里峯舉四十里上廟則次仲廟也右出溫湯療治萬病泉所發之麓俗謂之土亭山此水炎熱倍

甚諸湯下足便爛人體療疾者要須別引消息用之
耳不得言大駟山東其水東南流左會陽溝水亂流
南注滄河滄河又左得清夷水口魏土地記曰牧牛
泉西流與清夷水合者也自下二水互受通稱矣清
夷水又西靈亭水注之

靈亭下近刻衍城字

水出馬蘭西澤中

衆泉瀉溜歸于澤澤水所鍾以成溝瀆瀆水又左與

馬蘭溪水會水導源馬蘭城

案近刻脫源字

城北負山勢因

阿仍溪民居所給惟仗此水南流出城東南入澤水

澤水又南逕靈亭北又屈逕靈亭東次仲落烏鵲于

此

案落字近刻訛在次仲上

故是亭有靈亭之稱矣其水又南流

注于清夷水清夷水又西與泉溝水會

案與近刻訛作得

水

導源川南平地北注清夷水清夷水又西南得桓公

泉蓋齊桓公霸世北伐山戎過孤竹西征東馬懸車

上卑耳之西極故水受斯名也水源出沮陽縣東而

西北流入清夷水清夷水又西逕沮陽縣故城北秦

上谷郡治此

案秦字下近刻衍始皇字

王莽改郡曰朔調縣曰沮

陰關駟曰涿鹿東北至上谷城六十里魏土地記曰
城北有清夷水西流也其水又屈逕其城西南流注
于灤水灤水南至馬陘山謂之落馬洪

案近刻
訛作河

又東南出山

灤水又南出山

案出近刻
訛作入

瀑布飛梁懸河注壑湍湍

十許丈謂之落馬洪抑亦孟門之流也灤水自南出
山謂之清泉河俗亦謂之曰千水非也灤水又東南
逕良鄉縣之北界歷梁山南高粱水出焉

過廣陽薊縣北

灤水又東逕廣陽縣故城北謝承後漢書曰世祖與
鉞期出薊至廣陽欲南行即此城也謂之小廣陽灤
水又東北逕薊縣故城南魏土地記曰薊城南七里
有清泉河而不逕其北蓋經誤證矣昔周武王封堯
後于薊今城內西北隅有薊丘因丘以名邑也猶魯
之曲阜齊之營丘矣武王封召公之故國也秦始皇
二十三年滅燕以為廣陽郡漢高帝以封盧綰為燕

王更名燕國

案近刻脫名字

王莽改曰廣有

案近刻訛作公

縣曰代

戎

案近刻訛作成

城有萬載宮光明殿東掖門下舊慕容儁

立銅馬像處昔慕容廆有駿馬赭白有奇相逸力至

儁光壽元年齒四十九矣

案近刻脫齒字

而駿逸不虧儁奇

之比鮑氏驄命鑄銅以圖其像親為銘讚鐫頌其傍

像成而馬死矣大城東門內道左有魏征北將軍建

成鄉景侯劉靖碑

案近刻北訛作南成訛作城

晉司隸校尉王密

表靖功加于民

案近刻脫靖字

宜在祀典以元康四年九月

二十日刊石建碑

案康近刻訛作嘉

揚于後葉矣灤水又東

與洗馬溝水合水上承薊水西注大湖湖有二源水

俱出縣西北平地導源流結西湖湖東西二里南北

三里蓋燕之舊池也綠水澄澹川亭望遠亦為遊矚

之勝所也湖水東流為洗馬溝側城南門東注

案近刻訛

作南東門注

昔銚期奮戟處也其水又東入灤水灤水又

東逕燕王陵南陵有伏道西北出薊城中景明中造

浮圖建刹窮泉掘得此道王府所禁莫有尋者通城

西北大陵而是二墳基址磐固

案近刻脫墳字磐訛作盤

猶自高

壯竟不知何王陵也漂水又東南高粱之水注焉水

出薊城西北平地泉流東注

案近刻脫流字

逕燕王陵北又

東逕薊城北又東南流魏土地記曰薊東十里有高梁之水者也其水又東南入漂水

又東至漁陽雍奴縣西入筍溝

漢光武建武二年封潁川太守寇恂為雍奴侯魏遣張郃樂進圍雍奴即此城矣筍溝潞水之別名也

案近

刻脫
潞字

魏土地記曰清泉河上承桑乾河東流與潞河
合潞水東入漁陽所在枝分故俗諺云高粱無上源
清泉無下尾蓋以高粱微涓淺薄裁足津通憑藉涓
流方成川畛清泉至潞所在枝分更為微津散漫難
尋故也

水經注卷十三



總校官庶吉士臣張能照
校對官庶吉士臣徐如澍
膳錄監生臣丁湘錦